

STORACLES OF PROPHECY

Vut leh Vaiasuak Khuapite


Piancil 19:1-29

Ta-ang Thu . . .

L

ot in a innkuante tawh Sodom khuapi lam tenna dinga atel mawk pen, khial mahmeh hi cihpen Abraham in thei hi. Jordan gunkuan ii khanglam khuapite pen melhoih thei mahmeh uha, khuaval thei mahmeh iin, kisia mahmeh uh hi." Tu-in Sodom mite migilo hi a, Topa' tungah nakpitak-a akhialte ahi hi." Piancil 13:13. Atawpna ah Pasian in tua bang mawhna bawl khuapi pen suksiat dingin khensat hi. Ahih hangin Lot leh a innkuante honkhia dingin Pasian in vantungmite nih sawl masa hi.

Hih vantungmi nihte in khuapi sung hong lut ding uh ciangin khalzin mite bangin kibawl uh hi. Lot in amelohi tua khualzin mi nihte pen khuapi sung hong lut uh amuh ciangin nitak kuan-a khuapi sung lut ding pen khuapi sung mite gilo mahmeh uh hi cih thei ahih manin nakpitak-in ama inn ah atung dingin zol hi. Lot in tua bang ahinheng teng migilote in vil gige iin thei veve uha, nitaak hong tun ciangin Lot inn kiimum iin, tua lengla nihte amau ut banga abawl dingun kongkhak kiu-in ngak uh hi. Lot pusuak iin tua migilote kiangah hehpikhna tawh bangmah hong cihsak kei tapeuh un ci-in athuum hangin, bangnah kimanna neilo hi. Dawiluthna mihonpite in lenglate ading bek hilo-in Lot ading zong lauhuai mahmeh ta uh hi. Tua tak ciangin vantungmite in zong om thei nawnlo-in hong semta uh hi. Amaute in Lot inn sungah kai tumkik uha, tua migilo honpote avekpi un amit uh tawsak hi.



AMAZING FACTS

A zingciang zingsang tuung-in vantungmite in Lot leh a innkuante kiangah gena "Na nuntak nadingun hih pan paikhia un. Na nunglam uh en kei un. Mual na khup masiah tai un, tua hi keileh na kisia ding uh hi." Piancil 19:17. Tua ciangin "Topa in Sodom leh Gomorrah khuapite tungah kaat leh meikuang guah bangin vantung pan-in zusak ta hi." Piancil 19:24. Lot zi in khuapi kaang lungngai iin kilehhei ahih manin cikhuam suak a, Lot leh ata nungak nihte bek hong suakta uh hi. Pasian kammal mah in hong genkhol a, ni nunungni ciangin mite in Sodom leh Gomorrah mah bangin thukhenna thuak ding uh hi!

* The Holy Bible, New King James Version, © 1979, 1980, 1982, by Thomas Nelson, Inc. Used by permission.

Thu Sinna

Laisiangtho na sim khitciangin a awng munte behlap in.

1. Migilote kisuksiat nading bang khuapi nih tawh kigenteh hiam?

2 Peter 2:6 _____ leh _____ khuapite, mei vut suak in, cip siatna daan thukhen a, anung ciangin Topa Pasian bia lote adingin lim iin akoih hi.

Phawk Ding: Pasian in tua khuapi nih tawntung meikuang tawh hal hi – hell-a migilote a suksiat nading meikuang mah tawh kibang ahi hi.

2. Migilote banghun ciangin hell meikuang tawh kihal ding hiam?

2 Peter 2:9 A thumaan lote _____ ni adingin a gawt kawmkawma, a koih nading zia a thei hi. (ZIV)

John 12:48 Ka hilhna thu in _____ ni ciangin tua mi tungah thu akhen ding hi.

Matthew 13:40-42 _____ ciangin apiang ding hi. Mihing Tapa in ama vantungmite sawl ding a, akhialte leh a puksakte khempeuh a Gam sungpan in milkhia in, meiphual sungah akhul ding hi. Kahna leh hagawina aom ding hi.

Phawk Ding: Laisiangtho in migilote a sih ciangin thukhenna ngah pah ding cihi. Leitung bei hun thukhen ni ciangin tua mei sungah kikkha ding cihi. Tua in tulaitak-in kuamah hell ah omlo hi cihi. Thukhen ni iin ama thu a kikhen mateng kuamah in thuak nailo ding hicih pen bek thumaan ahi hi. Mite in Zeisu nih veina hong paikik ciangin a thaman tek uh ngah ding hi (Mangmuhna 22: 12).

3. Asi migilote hell tung nailo uh ahih leh amaute koi ah om uh hiam?

John 5:28, 29 _____ aom khempeuhete in ama aw za uh a, ahong pusuak hun hong tung ding hi. Gamtatna pha abawlte in nuntakna ngah dingin hong thokik ding uh hi.

Job 21:30, 32 Thangpahina hun panin amah kihukhia hi ...

Amah _____ lamah kipua a, a _____ kicingsak hi.

Phawk Ding: Laisiangtho in migilo a sisate leitung bei hun-a thawhkhik ni masiah haan ah om hicih hong gen hi. Zeisu' sapna aw za iin hell meikuang pan hilo-in, haan pan a dawng ding uh hi.

4. Mawhna daan ahih kei leh a thaman in bang hiam?

Romans 6:23 _____ in mawhna thaman ahiihi. Ahih hangin eite Topa Kris Jesus hanga nuntak tawntungna in man kipia lo Pasian' letsong ahi hi.

Phawk Ding: Mawhna ii thaman pen hell meikuang ah tawntung nuntakna hilo-in, a kilehbulh lian – sihna hizaw hi. Ih vek in sihna masa ah ih si ding hi (Hebrews 9:27),

ahih hangin Laisiangtho in migilote hell sunga sihna pen sihna nihna hi cihi (Mangmuhna 21: 8). Sihna masa panin mi khempeuh thaman ngah dingin thokik ding hi; ahih hangin sihna nihna panin thawhkhikna cih om nonlo-a a tawpna hi. Hell sungah a tawntung ka'ang ding hileh Zeisu thuakna amawkna hi ding hi.

5. Mihingte teltheih thu nih bek aom te-in bang hiam?

John 3:16 Tua Tapa aum mi khempeuh in _____ aa _____ angah nading ahi hi.

Phawk Ding: Misite limbo leh purgatory te ah tawlna hi cih thuhilhna pen Laisiangtho sungah omlo hi. Laisiangtho in teel ding nam nih bek hong hilh hi—tawntung hinna maw? tawntung sihna? (Thuhilhkhikna 30:15).

6. Hell meikuang sungah migilote bang suak ding uh hiam?

Late 37:10, 20 Ahi hangin migilote _____ ding; TOPA galte gamlak mel hoihte bangin mangthang ding uh a – meikhu bangin a _____ ding uh hi. (ZIV)

Malachi 4:1, 3 En un, mi kiphasak khempeuh leh migilo khempeuh, azung ahiang cih omlo in buhtu bangin a _____ ding hun hongtung ding hi. Tua ni ciangin khat zong suakta loin a vekpi _____ ding uh hi.

Phawk Ding: Migilote hell sungah kaangtum ding uha, vut leh vai suak khin ding uh hi.

7. Hell meikuang koilai mun ding hiam?

Mangmuhna 20:9 Amaute _____ maitang dimin pai uh a, Pasian mite giahphual, a it a khuapi a umcih uh hi. Ahi hangin van panin meikuang hong tuaksuk a, amaute kangtum mang hi. (ZIV)

2 Peter 3:10 Nate zong sa lua-in a kisia ding uh hi. _____ aa kipan leitungah kibawl na khempeuh a kangtum ding uh hi.

Phawk Ding: Leitungah kihal ding ahih manin, Hell meikuang pen hih leitung ding ahi hi.

8. Hell meikuang pen dawigilote in uk ding uh hiam?

Mangmuhna 20:10 Amaute a khem Satan pen ganhing leh kansang zuupa a omna mun, kat a kikhulna _____ sungah kilawn hi.

Phawk Ding: Ukle! Thamlo-in amauteng kattum nading akibawl ahi hi. Atawpna ah amauta avekpi un hih leitungah vut leh vai suak ding uh hi. Pasian in Satan kiangah gena, "cikmah hun ciangin na piangkik kei dinghi." Ezekiel 28:18, 19.

9. Atawntung meikuang amit thei diam?

Isaiah 47:14 Khatpeuh khualum nadingin hih lai-ah _____ a, awi dingin mei a om kei hi.

Phawk Ding: Mawhna, mawhneite leh hih leitunga om teng khempeuh a kattum khitciangin meimit ding hi. Atawntunga kuang den mei hilo hi. Mawhna teng halna, hih meikuang pen mit ngeilo hileh, mawhna teng asiangsak zolo meikuang hiding hi. Pasian in mawhna pen omden lo ding susia ma-ang dingin gel hi. Mangmuhna 21:5 "En in, na khempeuh athakin ka bawl hi," cihi.

10. Pumpi leh kha (nuntaakna) hell sungah akangtum diam?

Matthew 10:28 Pumpi a thah hangin kha a that thei lote kihta kei un. _____ leh _____ meili sunga a siasak thei pa na kihta zaw un. (ZIV)

Phawk Ding: Mi tampite in kha sitheilo hi ci-in um uh hi. Ahih hangin Pasian in nih vei gena, "Amawh kha si ding hi" ci hi "The soul that sinneth, it shall die." (Ezekiel 18:4, 20). Laisiangtho gen mah bangin migilote in a pumpi uh leh a kha uh hell meikuang tawh kangtum ding uh hi.

11. Atawntung meikuang pen kua adinga kibawl hiam?

Matthew 25:41 _____ leh ama nungzuite ading akibawl meikuang tawntung sungah kei kiang pan in paikhia un.

Phawk Ding: Hell meikuang pen Satan leh dawigilote ading bek a kibawl hi. Mawhna pan ka paikhiat nop keileh, kei zong ka kangtum ding hi. Banghang hiam cihleh mawhna kihaltum keileh mawhna in leitung khempeuh siasak kik ding hi.

12. Pasian in migilote a suksiatna thu Laisiangtho in bangci gen hiam?

Isaiah 28:21 A lamdang ama bawlte a bawl ding leh a _____ ama _____ a sem dingin Perazim Mual tungah a sep bangin { Topa } in hong sem ding a,

Phawk Ding: Pasian in a it mihingte asusia nuam hilo hi. "Kisikkik a nunaakna ih ngah ding hong deih hi." 2 Peter 3:9. Atawntungin amah in, amaute kiangah, "na gamtatsatna pan un hong kilehkik un, banghang in si ding nahi uh hiam?" ci den hi (Ezekiel 33:11). Mihingte suksiat ding pen Pasian deihna hihetlo hi. Hell meikuang zong alamdang khat hi. Pasian in mihingte gupkhati nadingin bangmah selsim neilo hi. Migilote in akisuksiat ma-un, Pasian thumaan mahmeh hi, ci ding uh hi (Roman 14:11).

13. Laisiangtho in "amit ngeilo mei" acih ciangin kangtum ngeilo ding acihna hilo hiam?

Matthew 3:12 Amah in a khutah anzapna tawi-in a ante zap a, a taksate khawmin a ansal sungah koih ding a, a site ahih leh a mit ngeilo _____ sungah a kangtum (burn up) ding hi.

Phawk Ding: Hilo hi! Atawntung meikuang pen kisumit theilo hi. Ahih hangin akang ding teng khempeuh akat khitciangin mit ding hi. Gentehna in Jeremiah 17:27 sungah Pasian mite acitakt kei uhleh, Jerusalem amit theilo meikuang tawh kihal ding hi. Laisiangtho in hih genkhohna tangtung khin hi ci hi. Amaute in biakkinn haultum uha, Jerusalem kulhpite susia iin kumpi inntt mei tawh hal-in Topa in Jeremiah tunga a gen mah bangin tangtung khin hi." 2 Khangthangthu 36:19, 21. Tua meikuang pen akang ding omlai siah kuamah in sumit zolo uh hi, tua khitciangin mit hi. Laisiangtho in a mit ngeilo meikuang acih hangin, tuni in kuang nawnlo hi.

14. Atawntung meikuang cih pen mit ngeilo ding cihna hiam?

Juda 7 Sodom khua leh Gomorrah khua leh a kiima om khuapi mite ... midangte' etteh dingin _____ a thuak uh hi.

Phawk Ding: Laisiangtho leh Laisiangtho mah kidawngsak ni. Sodom leh Gomorrah khuapi pen tawntung meikuang tawh hal hi cihpen teltak iin ih thei hi, ahih hangin tu-in kuang nawnlo hi. Amaute vut suak khin uh hi (2 Peter 2:6) tawntung meikuang tawh kihal ah hi. A thuakna uh pen atawntung hi. (Behlapna na-en in "Sumhaupa leh Lazarus" thulu ah).

mahin Pasian in atate meikuang-a kang amu nuam hi hetlo hi. Tua pen siatna galpi teng khempeuh sangin asia huai zaw mahmeh ahi hi. Pasian deihdan hi hetlo hi. Atawntung meikuang leh kaat te in Pasian zia ahi itna leh thumaanna te tawh kilehbulh mahmeh ahi hi.

Nang Dawwnna

Thudangte tawh teh theih loh, Topa Zeisu in hong bawlsaksa gam nuam ah om dingin nang leh kei hong ngak hi. Ama hong sapna bangin mang dingin na khensat nai hiam?

DAWNNA: _____

Hilhcianna

Hih anuai-a te in telbeh nadingin hong huh ding hi.

Sumhaupa leh Lazarus

Mi tampite in Sumhaupa leh Lazarus ta-anghthu panin mi khat asih ciangin vantung ahih keileh hell sunga tung pahpah hicih upna nei uh hi. Hih ta-anghthu pen Zeisu in tua bang dinga hong gen hilo hi. Zeisu in hihlai ah "Hell" azat kammal pen "Hades," hi a, Greekte upna ah taanglai pasian (dawite) thusinna ahi hi. Hih kammal aza Judah mite khempeuh in, thu teltheih nadinga azat hi ci-in thei uh hi Luke 16:19-31, limtak iin sim lehang, atakta hi hetlo iin thugentehna ahih bek lam teltak iin kumu thei hi.

Gentehna iin, Gupna ngah khempeuh Abraham ang atung pah hiam? Tung pahlo. Vantunga om misiange leh hell sunga om te akiho thei diam? Ho theilo. Hell sunga om mi khat tui taak khat tawh adang ano zo diam? Notuam lo ding. Gupna ngah ding leh ngah lo ding Abraham khensat ding hiam? Hilo.

Tua bang mahin, mi asih ciangin thakhat-in vantung kahpah, ahih keileh hell sung lutpah cih thuhilhna dik hetlo hi. John 12:48 sungah, "Hih ka genthute khempeuh, ni nunungni ciangin thukhenna athuak ding hi."

Tua bang ahih leh hih thugentehna ii khiatna bang hiding hiam? Sumhaupa in Judah mite ahi hi, Laisiangtho sim iin thungen uha, ahih hangin Gentile te in kongkhak ah dingin khutdawh ngen uha amaute in Pasian thu gilkial mahmeh uh hi. Zeisu in thugentehna bangci khup hiam cihleh, "Moses leh kamsangte thu aman nop kei uh leh, misi khat a thawhkik hangin a um tuan kei ding uh hi," ci hi (Luke 16:31). Tua bang lian mahin anung ciangin Zeisu in Lazarus thosak a, ahih hangin kuamah in a um tuan kei uh hi (John 12:9-11).

15. Mangmuhma 20:10 sunga migilote kihal nading tawntung meikuang cih pen mit ngeilo ding cihna mah ahi diam?

Jonah 2:6 Kong hong kikhaknelh _____ na mun ka tun' hangin tua Leihawmpy sung panin a nungta-in nong lato veve hi,

Phawk Ding: Hilo! Jonah ngapi gil sungah sun thum leh zan thum om hi (Jonah 1:17) hi napi in amah in "tawntung," ci hi. Atawntung tawh kibangsa hingel ding cih ka um hi. Greek pau in "atawntung" cih kammal pen Mangmuhma 20:10 sungah "aion," ci in kigelh a tua pen mikang lai-in "eon" hi. Agennopna ah ciangtan omlo hunsung cihna hi. Atawntung ci-in Laisiangtho sungah 56 vei om a, pawlkhat om nonlo hi. Atawntung cih pen , acitak sila pa nunaakna (Paikhiatna 21:6) ah gen a, adang atawntung cih kammal pen khangsawnte ci-in (Thuhilhikna 23:3) ah gen hi. Mite tawh atawntung cih pen, "a nunaak sung tawntung" acihnopna ahi hi (1 Samuel 1:22, 28).

16. Mawhna leh mawhneite akisuksiat khitciangin Zeisu in a misiangthote ading bang sem ding hiam?

2 Peter 3:13 Ama thuciamna bangin dikna aom van thak leh _____ eite in i lamen hi.

Mangmuhma 21:4 Amaute mittang uh pan khitui khempeuh anul siang ding hi, sihna zong anungciang in aom nawnkei ding hi. Tua thamloin, thuumna kahna, _____ zong aom _____ ding hi, a masa nate mangthang khin zo uh hi, ci-in nakpi in aw tawh kiko ka za hi.

Phawk Ding: Vutlevai asuak khin hih leitungah Pasian in van thak leh lei thak hong bawlsak kik ding hi. Piansak anungra khempeuh adingin, lungdamna, kilemna, lungmuanna, genzawh loh nuamnate kong pia ding hi ci-in hong kamciam hi.

17. Mawhna hong om kik lai ding hiam?

Nahum 1:9 Amah a su peuhpeuh a _____ zo om ngeilo hi.

Phawk Ding: Omkiklo! Kitel mahmeh hi. Mawhna omkik ngei nawnlo ding hi. **Isaiah 65:17** En un, vantung thak te leh leitung thak te kapiangsa hi, abeisa nate kiciamteh nawnlo, kiphawk kha nawnlo ding hi.

18. Job in akitel mahmeh bang dotna dong hiam?

Job 4:17 Pasian sangin mihing _____ zaw thei ding ahi hiam? (ZIV)

Phawk Ding: Na it mahmeh na tapa in mi that den khat hileh daan na pia nuam ding hiam? Pia nuam kha ding hiteh. Tua bang ahih leh amah pen ahingtang iin meikuang tawh ni khat sung bek kihal ding na ut diam? Ki-utlo ding hi. Tua bang